



Bosnia and Herzegovina
Federation of Bosnia and Herzegovina
CANTON SARAJEVO
Ministry for Education

Broj: 11-11-05/02-34-52481-34/23
Sarajevo, 19.06.2024. godine

Na osnovu članova 72., 73. i 74. Zakona o srednjem obrazovanju ("Službene novine Kantona Sarajevo", br: 23/17, 30/19 i 33/21), Ministarstvo za odgoj i obrazovanje Kantona Sarajevo objavljuje

K O N K U R S

za upis učenika u prvi razred srednjih škola sa područja Kantona Sarajevo u školskoj 2024./2025. godini.

Konkurs za upis u PRVI razred srednjih škola u školskoj 2024./2025. godini traje od 19. juna do 27. juna 2024. godine do 16.00 sati. Kandidati koji konkurišu u umjetničke škole, odnosno u gimnaziju-sportsko izbornu područje, polažu prijemni ispit, odnosno test fizičke sposobnosti, koji su dužni okončati najkasnije dva dana prije završetka on-line upisa.

Mjesto i satnica polaganja prijemnog ispita za kandidate koji konkurišu u umjetničke škole, kao i mjesto i satnica polaganja testa fizičke sposobnosti za kandidate koji konkurišu u gimnaziju-sportsko izbornu područje, objavljuju se na oglasnoj tabli i WEB-stranici tih škola.

Kandidati koji konkurišu u privatne škole-gimnazije polažu prijemni ispit, koji su dužni okončati najkasnije dva dana prije završetka on-line upisa. Mjesto i satnica polaganja prijemnog ispita za kandidate koji konkurišu u privatne škole-gimnazije objavljuju se na oglasnoj tabli i internet stranici tih škola.

Kandidati koji konkurišu u ostale srednje škole, javne ustanove, ne polažu prijemni ispit, osim kandidata koji konkurišu u Katolički školski centar (Opća-realna gimnazija ili Srednja medicinska škola), koji pristupaju intervjuu i dužni su okončati intervju najkasnije dva dana prije završetka on-line upisa. Program, mjesto, satnica, način ocjenjivanja i teme intervjuja za kandidate utvrđuje osnivač, a škola objavljuje na oglasnoj tabli i internet stranici škole, najkasnije do objavljivanja konkursa.

Izbor kandidata vršit će se na osnovu Odluke sa kriterijima za prijem učenika u prvi razred srednjih škola Kantona Sarajevo, koji je sastavni dio ovog konkursa.

ODLUKU
O KRITERIJIMA ZA UPIS UČENIKA U PRVI RAZRED SREDNJIH ŠKOLA KANTONA SARAJEVO

I OPĆE ODREDBE

Član 1.

(Pravo upisa u prvi razred srednjih škola)

- (1) Pravo upisa u prvi razred srednje škole u statusu redovnog učenika imaju kandidati sa završenom osnovnom školom, koji nisu stariji od 18 godina, odnosno koji do kraja tekuće godine ne navršavaju 18 godina života.
- (2) Pravo upisa u prvi razred srednje škole za učenike s teškoćama u razvoju imaju kandidati koji pored ostalih uslova, ispunjavaju uslov da do kraja tekuće godine ne navršavaju 22 godine života.
- (3) Terminološko korištenje ženskog ili muškog roda u ovoj odluci podrazumijeva oba roda.

Član 2.

(Plan upisa i prijava kandidata)

- (1) Srednje škole vrše upis učenika u prvi razred u skladu sa Planom upisa učenika u srednje škole kao javne ustanove Kantona Sarajevo, koji na prijedlog Ministarstva za odgoj i obrazovanje Kantona Sarajevo (u daljem tekstu: Ministarstvo), donosi Vlada Kantona Sarajevo (u daljem tekstu: Vlada).
- (2) Ministarstvo je dužno, prilikom izrade Plana upisa učenika iz stava (1) ovog člana, konsultovati Javnu ustanovu „Služba za zapošljavanje Kantona Sarajevo“, Udruženje poslodavaca Kantona Sarajevo i Privrednu komoru Kantona Sarajevo, te vršiti redovne analize o kretanjima na tržištu rada u saradnji sa Ministarstvom za rad, socijalnu politiku, raseljena lica i izbjeglice Kantona Sarajevo i Ministarstvom privrede Kantona Sarajevo.
- (3) Izmjene i dopune, odnosno proširenje Plana upisa iz st. (1) i (2) ovog člana može odobriti samo Vlada, osim za privatne srednje škole, Javnu ustanovu Gazi Husrev-begova medresa i Katolički školski centar (Opća-realna gimnazija i Srednja medicinska škola), čiju odluku donosi osnivač, a u skladu s kriterijima iz ove odluke i Pedagoškim standardima i normativima za srednje obrazovanje („Službene novine Kantona Sarajevo“, br. 23/04, 27/08, 45/20, 7/21, 20/22 i 23/23).
- (4) Prijava i upis kandidata u prvi razred srednjih škola provodi se isključivo putem Informacionog sistema EMIS, kroz on–line upis.
- (5) Prijava i upis kandidata u prvi razred Javne ustanove Gazi Husrev-begova medresa i Katoličkog školskog centra (Opća-realna gimnazija i Srednja medicinska škola) provodi se kombinirano: dio putem Informacionog sistema EMIS, a dio po posebnim kriterijima koje donosi osnivač škole.
- (6) Prijava i upis kandidata u prvi razred srednjih škola/centara za učenike s teškoćama u razvoju provodi se putem Informacionog sistema EMIS ili dostavljanjem dokumentacije direktno u školi, odnosno centru.
- (7) U konkursnom roku kandidat može izabrati najviše tri programa obrazovanja/zanimanja/smjera, u jednoj ili više škola.
- (8) Tokom konkursnog roka kandidatima će biti omogućena najmanje dva perioda za promjenu izbora programa obrazovanja/zanimanja/smjera iz stava (7) ovog člana.
- (9) Rang-lista svih kandidata primljenih u prvi razred objavljuje se putem Informacionog sistema EMIS, kao i na oglasnoj tabli i internet stranici srednje škole.

Član 3.

(Uslovi za upis)

Upis učenika u prvi razred srednjih škola vrši se pod istim uslovima za sve učenike državljanke Bosne i Hercegovine, povratnike iz inostranstva, kao i za strane državljane i lica bez državljanstva u skladu sa Zakonom o srednjem obrazovanju („Službene novine Kantona Sarajevo”, br. 23/17, 30/19 i 33/21).

Član 4.

(Konkurs)

- (1) Izbor kandidata za upis u srednju školu vrši se na osnovu ove odluke koja uključuje javne i privatne škole, a sastavni je dio konkursa za upis učenika u prvi razred srednjih škola i obavezno reguliše žalbeni postupak.
- (2) Prvi konkurs za upis učenika u prvi razred srednjih škola kao javnih ustanova u Kantonu Sarajevo objavljuje se na internet stranici Ministarstva, a obavijest o raspisanom konkursu u jednom dnevnom listu, najkasnije dva mjeseca prije početka naredne školske godine i otvoren je najmanje sedam radnih dana.
- (3) Prvi konkurs za upis učenika u prvi razred privatnih srednjih škola u Kantonu Sarajevo objavljuje se na internet stranici Ministarstva, istog dana kada i konkurs iz stava (2) ovog člana, a najkasnije dva mjeseca prije početka naredne školske godine i otvoren je najmanje sedam radnih dana.
- (4) Ministarstvo raspisuje drugi konkurs za upis učenika u prvi razred za srednje škole kao javne ustanove koje ne popune planirana mjesta u prvom konkursnom roku, u skladu sa Planom upisa iz člana 2. ove odluke.
- (5) Konkurs iz stava (4) ovog člana objavljuje se na internet stranici Ministarstva, a obavijest o raspisanom konkursu u jednom dnevnom listu najkasnije 15 dana prije početka školske godine i otvoren je najmanje tri radna dana.

Član 5.

(Dodatni uslovi za upis u umjetničku školu/gimnaziju – sportsko izbornu područje)

- (1) Kandidati koji konkurišu u umjetničke škole, odnosno u gimnaziju–sportsko izbornu područje, polažu prijemni ispit, odnosno test fizičke sposobnosti, koji su dužni okončati najkasnije dva dana prije završetka on-line upisa.
- (2) Uvjet za pristupanje prijemnom ispitu odnosno testu fizičke sposobnosti iz stava (1) ovog člana je da je kandidat tokom prethodnog školovanja ostvario minimum bodova potrebnih za upis u umjetničku školu/gimnaziju u skladu sa članom 15. st. (5) i (10) ove odluke.
- (3) Mjesto i satnica polaganja prijemnog ispita za kandidate koji konkurišu u umjetničke škole, kao i mjesto i satnica polaganja testa fizičke sposobnosti za kandidate koji konkurišu u gimnaziju-sportsko izbornu područje, objavljuju se na oglasnoj tabli i internet stranici tih škola.
- (4) Program za polaganje prijemnog ispita u srednjoj umjetničkoj školi i srednjoj muzičkoj školi se odvija u skladu sa nastavnim planom i programom za te škole.
- (5) Rezultate prijemnog ispita, odnosno testa fizičke sposobnosti u Informacioni sistem EMIS unose srednje škole u kojima se polažu ispiti.
- (6) Svi kandidati iz stava (1) ovog člana koji izvrše prijavu putem Informacionog sistema EMIS, polažu prijemni ispit.
- (7) Prijemni ispit iz stava (1) ovog člana je eliminatoran.
- (8) U slučaju da kandidat bude ocijenjen sa negativnom ocjenom iz bilo kojeg dijela prijemnog ispita, odnosno dijela testa fizičkih sposobnosti, nije položio prijemni ispit.
- (9) Program polaganja prijemnog ispita u umjetničkoj školi, test fizičke sposobnosti za kandidate koji konkurišu u gimnaziju-sportsko izbornu područje, način ocjenjivanja u smislu

- eliminatorsnosti i kriterije vrednovanja rezultata, utvrđuje nastavničko vijeće škole i isti dostavlja Ministarstvu najkasnije sedam dana prije testiranja.
- (10) Program i kriteriji za polaganje prijemnog ispita odnosno testa fizičkih sposobnosti će biti objavljeni na oglasnoj tabli, internet stranici škole i internet stranici Ministarstva najkasnije do dana objavljivanja konkursa.
 - (11) Prijemni ispit, odnosno test fizičkih sposobnosti polaže se pred stručnom komisijom koju imenuje nastavničko vijeće škole za sve vrste zanimanja.
 - (12) Minimalni sadržaji polaganja prijemnog ispita za Srednju školu primijenjenih umjetnosti su:
 - a) crtanje;
 - b) slikanje i
 - c) modelovanje.
 - (13) Minimalni sadržaji polaganja prijemnog ispita za Srednju muzičku školu su:
 - a) muzičar solista – praktična provjera temeljnog predmeta struke, Solfeggia i Muzičke teorije;
 - b) muzičar općeg smjera - provjera temeljnog predmeta struke “solfeggia”: muzički ritam, memorija, sluh, muzička teorija i
 - c) baletni odsjek – praktična provjera osnovnih baletnih tehnika.
 - (14) Dodatni uslovi za upis u Srednju muzičku školu su adekvatna ljekarska uvjerenja za upisne programe solo pjevanja (otorinolaringolog) i baleta (ortoped).
 - (15) Minimalni sadržaji testa fizičkih sposobnosti u gimnaziju-sportsko izbornu područje su:
 - a) skok udalj;
 - b) sklek;
 - c) košarka;
 - d) odbojka;
 - e) gimnastika i
 - f) plivanje (sportska dvorana i bazen).

Član 6.

(Dodatni uslovi za upis u privatne škole-gimnazije)

- (1) Kandidati koji konkurišu u privatne škole-gimnazije polažu prijemni ispit, koji su dužni okončati najkasnije dva dana prije završetka on-line upisa.
- (2) Uvjet za pristupanje prijemnom ispitu iz stava (1) ovog člana je da je kandidat tokom prethodnog školovanja ostvario minimum bodova potrebnih za upis u gimnaziju u skladu sa članom 15. stav (7) ove odluke.
- (3) Program polaganja prijemnog ispita, način ocjenjivanja i kriterij vrednovanja rezultata utvrđuje nastavničko vijeće i dostavlja ih Ministarstvu, najkasnije sedam dana prije testiranja.
- (4) Program i kriteriji za polaganje prijemnog ispita će biti objavljeni na oglasnoj tabli, internet stranici škole i internet stranici Ministarstva, najkasnije do objavljivanja konkursa.
- (5) Mjesto i satnica polaganja prijemnog ispita za kandidate koji konkurišu u privatne škole-gimnazije objavljuju se na oglasnoj tabli i internet stranici tih škola.
- (6) Prijemni ispit se polaže pred stručnom komisijom koju imenuje nastavničko vijeće škole.
- (7) U slučaju da kandidat bude ocijenjen negativnom ocjenom iz bilo kojeg dijela prijemnog ispita, smatrat će se da nije položio prijemni ispit.
- (8) Rezultate prijemnog ispita u Informacioni sistem EMIS unose srednje škole u kojima se polažu prijemni ispiti i to najkasnije dva dana prije završetka on-line upisa.

Član 7.

(Dodatni uslovi za upis učenika u Katolički školski centar (Opća-realna gimnazija i Srednja medicinska škola)

- (1) Kandidati koji konkurišu u Katolički školski centar (Opća-realna gimnazija ili Srednja medicinska škola), a završili su Katolički školski centar Osnovnu školu Sarajevo ili su prijavljeni za boravak u Internatu pri Katoličkom školskom centru upisuju se isključivo prema posebnim kriterijima koje donosi osnivač škole i iste dostavlja Ministarstvu na uvid.
- (2) Ukoliko učenici iz stava (1) ovog člana konkurišu u bilo koju od škola putem Informacionog sistema EMIS, nemaju pravo upisa u Katolički školski centar (Opća-realna gimnazija ili Srednja medicinska škola).
- (3) Kandidati koji konkurišu u Katolički školski centar (Opća-realna gimnazija ili Srednja medicinska škola) pristupaju intervjuu koji se boduje, najkasnije dva dana prije završetka on-line upisa.
- (4) Uvjet za pristupanje intervjuu iz stava (3) ovog člana je da je kandidat tokom prethodnog školovanja ostvario minimum potrebnih bodova, i to:
 - a) za upis u Katolički školski centar – Opća-realna gimnazija, u skladu sa članom 15. stav (7) ove odluke i
 - b) za upis u Katolički školski centar – Srednja medicinska škola, u skladu sa članom 15. stav (8) ove odluke.
- (5) Program, mjesto, satnicu, način ocjenjivanja i teme intervjuja za kandidate koji konkurišu u Katolički školski centar (Opća-realna gimnazija ili Srednja medicinska škola) utvrđuje osnivač, a škola objavljuje na oglasnoj tabli i internet stranici škole, najkasnije do objavljivanja konkursa.
- (6) Intervju se polaže pred upisnom komisijom koja se imenuje u skladu s kriterijima koje donosi osnivač škole.
- (7) U slučaju da kandidat bude ocijenjen sa negativnom ocjenom iz bilo kojeg dijela intervjuja, smatrat će se da nije stekao uvjet za upis u Katolički školski centar (Opća-realna gimnazija ili Srednja medicinska škola).
- (8) Rezultate intervjuja u Informacioni sistem EMIS unosi Katolički školski centar (Opća-realna gimnazija ili Srednja medicinska škola) i to najkasnije dva dana prije završetka on-line upisa.

Član 8.

(Dodatni uslovi za upis u Srednju poslovnu školu Ilidža)

- (1) Za upis u Srednju poslovnu školu Ilidža, kandidat polaže prijemni ispit, odnosno prisustvuje intervjuu.
- (2) Uvjet za pristupanje prijemnom ispitu, odnosno intervjuu je da je kandidat tokom prethodnog školovanja ostvario najmanje minimum bodova u skladu sa članom 15., stav (9) ove odluke.
- (3) Program, mjesto, satnicu i način ocjenjivanja za kandidate iz stava (1) ovog člana, utvrđuje nastavničko vijeće, a objavljuje se na oglasnoj tabli i internet stranici škole, najkasnije do objavljivanja konkursa.
- (4) Prijemni ispit, odnosno intervju se polaže pred upisnom komisijom koja se imenuje u skladu sa kriterijima koje donosi osnivač.

II KRITERIJI

Član 9.

(Kriteriji za upis)

- (1) Upis učenika u srednje škole vrši se na osnovu sljedećih kriterija:
 - a) bodovi ostvareni po osnovu rezultata tokom školovanja, maksimalno 100 bodova;
 - b) dodatni bodovi po osnovu završene osnovne muzičke/baletske škole, maksimalno 2 boda;
 - c) dodatni bodovi po osnovu statusa perspektivnog sportiste, maksimalno 1 bod i
 - d) dodatni bodovi ostvareni na takmičenjima iz nastavnih predmeta/oblasti, maksimalno 7 bodova.
- (2) Maksimalan broj bodova po svim kriterijima iz stava (1) ovog člana, koje kandidat može ostvariti, iznosi 110 bodova.

Član 10.

(Predmeti posebno značajni za određenu vrstu srednje škole/struku)

Predmeti posebno značajni za određenu vrstu srednje škole/struku utvrđuju se kako slijedi:

VRSTA SREDNJE ŠKOLE/ STRUKA/ZANIMANJE	Predmeti posebno značajni za određenu školu/struku/zanimanje
gimnazija, medresa	Bosanski jezik i književnost, Hrvatski jezik i književnost, Srpski jezik i književnost Matematika, prvi strani jezik
ekonomska škola, trgovačka škola, Srednja poslovna škola Ilidža	Matematika, Informatika, prvi strani jezik
gimnazija-sportsko izborna područje	Bosanski jezik i književnost, Hrvatski jezik i književnost, Srpski jezik i književnost Matematika, Tjelesni i zdravstveni odgoj
gimnazija informacione tehnologije	Bosanski jezik i književnost, Hrvatski jezik i književnost, Srpski jezik i književnost Matematika, Informatika
medicinska, zubotehnička, veterinarska	Hemija, Biologija, Fizika
prehrambena, poljoprivredna, kozmetičar, frizer	Hemija, Biologija, Informatika
ugostiteljsko-turistička	Historija, Geografija, prvi strani jezik
tekstilna, kožarska	Bosanski jezik i književnost, Hrvatski jezik i književnost, Srpski jezik i književnost Likovna kultura, Biologija
škola primijenjenih umjetnosti	Bosanski jezik i književnost, Hrvatski jezik i književnost, Srpski jezik i književnost, Historija Likovna kultura
muzička škola	Bosanski jezik i književnost, Hrvatski jezik i književnost, Srpski jezik i književnost, Muzička kultura, prvi strani jezik
drvena, šumarska	Hemija, Matematika, Biologija
ostale škole/strukture (mašinska, željeznička, metalska, elektro, građevinska, geodetska,	Matematika, Fizika, Informatika

VRSTA SREDNJE ŠKOLE/ STRUKA/ZANIMANJE	Predmeti posebno značajni za određenu školu/struku/zanimanje
saobraćajna, grafička)	

Član 11.

(Broj bodova po osnovu rezultata tokom školovanja)

Za kandidate koji konkurišu za upis u srednje škole, broj bodova po osnovu uspjeha u osnovnoj školi i ispitima eksterne mature utvrđuje se na sljedeći način:

- a) opći uspjeh u VI, VII, VIII i IX razredu osnovne škole boduje se s maksimalno 52 boda, tako da se zbir prosječnih ocjena svedenih na dvije decimale u VI, VII, VIII i IX razredu osnovne škole pomnoži s koeficijentom 2,60;
- b) uspjeh iz predmeta posebno značajnih za odgovarajuću školu boduje se s maksimalno 24 boda, tako da se saberu ocjene dobijene u VIII i IX razredu osnovne škole iz tri predmeta posebno značajna za odgovarajuću vrstu srednje škole - član 10. ove odluke, te se pomnože s koeficijentom 0,80 i
- c) uspjeh postignut na ispitima eksterne mature boduje se s maksimalno 24 boda, tako što se bodovi dobijeni na eksternoj maturi pomnože s koeficijentom 0,80.

Član 12.

(Dodatni bodovi po osnovu završene osnovne muzičke/baletske škole)

- (1) Kandidati koji imaju završenu osnovnu muzičku/baletsku školu koja je upisana u registar osnovnih škola Kantona Sarajevo i u kojima je realiziran nastavni plan i program u trajanju od šest godina, boduju se na sljedeći način:
 - a) završena osnovna muzička/baletska škola, u skladu sa nastavnim planom i programom, sa odličnim uspjehom i primjernim vladanjem - 2 boda;
 - b) završena osnovna muzička/baletska škola u skladu sa nastavnim planom i programom - 1 bod.
- (2) Bodovanje se vrši po jednom od dva kriterija iz stava (1) tač. a) i b) ovog člana.
- (3) Ukoliko je kandidat završio osnovnu muzičku/baletsku školu van Kantona Sarajevo, neophodno je da ta škola bude registrovana kod nadležnog organa za oblast obrazovanja za područje iz kojeg kandidat dolazi, kao i da je nastavni plan i program škole ekvivalentan nastavnom planu i programu u Kantonu Sarajevo.

Član 13.

(Dodatni bodovi po osnovu statusa perspektivnog sportiste)

Kandidati koji dostave dokaz o statusu perspektivnog sportiste (najmanje u jednoj godini u zadnje četiri godine školovanja) u skladu sa članom 4. stav (1) tačka f) Pravilnika o kategorizaciji sportista prema ostvarenim rezultatima („Službene novine Kantona Sarajevo”, broj: 1/22), dobijaju 1 bod.

Član 14.

(Bodovi osvojeni na takmičenjima iz nastavnih predmeta/oblasti)

- (1) Pravo na dodatne bodove ostvaruju kandidati na osnovu rezultata koje su kao učenici postigli na takmičenjima u posljednje četiri godine školovanja iz:
 - a) nastavnih predmeta:
 - 1) Bosanski jezik i književnost, Hrvatski jezik i književnost, Srpski jezik i književnost,
 - 2) Prvi strani jezik,
 - 3) Drugi strani jezik,

- 4) Matematika,
 - 5) Fizika,
 - 6) Informatika,
 - 7) Tehnička kultura
 - 8) Geografija/Zemljopis,
 - 9) Hemija/Kemija.
- b) sportskih takmičenja u individualnim sportovima, samo za upis u gimnaziju – sportsko izbornu područje,
 - c) sportskih takmičenja u timskim sportovima, samo za upis u gimnaziju – sportsko izbornu područje, i
 - d) individualnih i kamernih takmičenja iz klasične muzike/klasičnog baleta, samo za upis u Srednju muzičku školu.
- (2) Pravo na dodatne bodove iz nastavnih predmeta navedenih u stavu (1), tačka a) ovog člana, kandidati ostvaruju na osnovu rezultata na kantonalnim takmičenjima u organizaciji Ministarstva, te takmičenjima na višim nivoima koja iz njih proistječu (takmičenja na nivou entiteta u Bosni i Hercegovini, države Bosne i Hercegovine, kao i na međunarodnim takmičenjima).
 - (3) Za kandidate koji dolaze van područja Kantona Sarajevo priznaju se rezultati takmičenja iz stava (1) tačka a) ovog člana sa područja iz kojeg dolaze, u organizaciji nadležnog organa za oblast obrazovanja.
 - (4) Za jedno od osvojenih mjesta na kantonalnom takmičenju iz stava (1) ovog člana kandidat ostvaruje sljedeći broj bodova:
 - a) za osvojeno prvo mjesto 3 boda;
 - b) za osvojeno drugo mjesto 2 boda i
 - c) za osvojeno treće mjesto 1 bod.
 - (5) Za jedno od osvojenih mjesta na takmičenju učenika osnovnih škola na nivou entiteta u Bosni i Hercegovini i države Bosne i Hercegovine kandidat ostvaruje sljedeći broj bodova:
 - a) za osvojeno prvo mjesto 4 boda;
 - b) za osvojeno drugo mjesto 3 boda i
 - c) za osvojeno treće mjesto 2 boda.
 - (6) Za jedno od osvojenih mjesta na međunarodnom takmičenju učenika osnovnih škola kandidat ostvaruje sljedeći broj bodova:
 - a) za osvojeno prvo mjesto 5 bodova;
 - b) za osvojeno drugo mjesto 4 boda i
 - c) za osvojeno treće mjesto 3 boda.
 - (7) Međunarodno takmičenje podrazumijeva učestvovanje najmanje četiri države.
 - (8) Pod sportskim takmičenjima na nivou kantona u Federaciji Bosne i Hercegovine podrazumijevaju se takmičenja u sportskim disciplinama koja su na zvaničnom programu Prvenstva u organizaciji matičnog kantonalnog sportsko-strukovnog saveza.
 - (9) Pod sportskim takmičenjima na nivou entiteta u Bosni i Hercegovini i države Bosne i Hercegovine podrazumijevaju se takmičenja u sportskim disciplinama koja su na zvaničnom programu Prvenstva u organizaciji matičnog entitetskog/državnog sportsko-strukovnog saveza i na zvaničnom programu Kup-a Bosne i Hercegovine u organizaciji matičnog državnog sportsko-strukovnog saveza.
 - (10) Pod međunarodnim sportskim takmičenjima podrazumijevaju se Olimpijske igre, Paraolimpijske igre, Specijalna olimpijada, Svjetska prvenstva, Evropska prvenstva, Mediteranske igre i Balkanske igre/prvenstva.
 - (11) U takmičenjima iz oblasti klasične muzike/klasičnog baleta u kojima učestvuju muzičke škole vrednuju se samo prva tri mjesta prvonagrađenih u okviru kategorije (I₁, I₂, I₃).
 - (12) Bodovi ostvareni na osnovu takmičenja iz ovog člana utvrđuju se na način da se vrednuje najbolje ostvaren rezultat iz jednog predmeta/oblasti po jednoj školskoj godini. Ukoliko je kandidat kao učenik u jednoj školskoj godini ostvario rezultate iz st. (4), (5) i (6) ovog člana

iz više od jednog predmeta/oblasti koji su navedeni u stavu (1) ovog člana, priznaju mu se rezultati iz svakog od tih predmeta/oblasti.

- (13) Rezultate iz st. (4), (5) i (6) ovog člana kandidat dokazuje:
- za takmičenja iz nastavnih predmeta - diplomom;
 - za sportska takmičenja u individualnim sportovima - potvrdom matičnog sportsko-strukovnog saveza sa nivoa na koji se odnosi sportsko takmičenje;
 - za sportska takmičenja u timskim sportovima - potvrdom matičnog sportsko-strukovnog saveza sa nivoa na koji se odnosi sportsko takmičenje, i
 - za individualna i kamerna takmičenja iz klasične muzike/klasičnog baleta - diplomom koju u Infomacioni sistem EMIS evidentira učenikova matična muzička/baletska škola, a za vjerodostojnost podataka o plasmanu na prva tri mjesta prvonagrađenih u okviru kategorije (I₁, I₂, I₃) odgovara direktor muzičke/baletske škole koju je učenik pohađao.
- (14) Ukupan broj bodova koje kandidat ostvari po osnovu takmičenja iz ovog člana ne može preći 7 bodova.

Član 15.

(Potreban broj bodova za upis u srednje škole)

- Za svakog kandidata koji konkuriše za prijem u prvi razred srednje škole utvrđuje se ukupan broj bodova po osnovu rezultata navedenih u čl. 11., 12., 13. i 14. ove odluke.
- Kada se na rang listi nakon završetka konkursnog roka nađe dva ili više kandidata koji imaju 100 bodova, na osnovu kriterija iz člana 11. ove odluke, primaju se svi kandidati, do popunjavanja maksimalnog broja učenika po odjeljenju u skladu sa Pedagoškim standardima i normativima za srednje obrazovanje, odnosno standardima IB Programa (maks. 20 učenika u odjeljenju), što je prilikom online upisa potrebno učiniti vidljivim kroz online sistem, za učenike koji ispunjavaju uslove iz ovog stava.
- Kada se na rang listi nalaze dva ili više kandidata koji imaju jednak broj bodova, a nalaze se na posljednjem mjestu rang liste, prednost ima kandidat koji je ostvario bolji opći uspjeh ili veći broj bodova na osnovu uspjeha iz predmeta posebno značajnih za odgovarajuću školu ili veći broj bodova na osnovu rezultata postignutih na ispitima eksterne mature/ekvivalent bodova ili bolje rezultate na prijemnom ispitu u školama u kojima se polaže prijemni ispit ili u skladu sa članom 17. ove odluke, prema redoslijedu kako je navedeno.
- Za upis u gimnaziju kandidat po svim osnovama mora imati minimalno 78 bodova.
- Za upis u gimnaziju – sportsko izbornu područje, kandidat po svim osnovama mora imati minimalno 78 bodova i to na način da:
 - po svim osnovama navedenim u čl. 11., 12., 13. i 14. ove odluke ostvari minimalno 73 boda i
 - ostvari minimalno dodatnih 5 bodova koji se odnosi na test fizičke sposobnosti.
- Za upis u škole zdravstvene struke, Javnu ustanovu Srednja elektrotehnička školu, Javnu ustanovu Srednja ekonomska škola i zanimanje ekonomski tehničar u srednjoškolskim centrima, kandidat mora imati minimalno 71 bod.
- Za upis u privatne srednje škole - gimnazije i Katolički školski centar – Opća-realna gimnazija, kandidat po svim osnovama mora imati minimalno 78 bodova i to na način da:
 - po svim osnovama navedenim u čl. 11., 12., 13. i 14. ove odluke ostvari minimalno 71 bod i
 - ostvari minimalno dodatnih 7 bodova koji se odnosi na prijemni ispit, odnosno intervju.
- Za upis u Katolički školski centar - Srednja medicinska škola, učenik po svim osnovama mora imati minimalno 71 bod i to na način da:
 - po svim osnovama navedenim u čl. 11., 12., 13. i 14. ove odluke ostvari minimalno 68 bodova i
 - ostvari minimalno dodatna 3 boda koja se odnose na intervju.

- (9) Za upis u Srednju poslovnu školu Ilidža, učenik po svim osnovama mora imati minimalno 71 bod i to:
- a) po svim osnovama iz člana 11.,12.,13. i 14. ove odluke ostvariti minimalno 64 boda i
 - b) po osnovu prijemnog ispita/intervjua, minimalno sedam bodova.
- (10) Za upis u ostale škole za zanimanja u četverogodišnjem trajanju obrazovanja kandidat po svim osnovama mora ostvariti minimalno 63 boda.
- (11) Za upis u trogodišnju školu se ne utvrđuje potreban minimalan broj bodova.

Član 16.

(Ekvivalent bodova za upis učenika)

- (1) Ako je kandidat završio osnovnu školu u inostranstvu i ako nema predmeta u VIII i IX razredu, odnosno u zadnja dva razreda osnovne škole, koji se boduju kao predmeti značajni za struku pri upisu u prvi razred, onda se umjesto ocjena iz tog predmeta uzima prosječna ocjena iz svih predmeta u zadnja dva razreda osnovne škole (aritmetička sredina).
- (2) Ako je kandidat završio osnovnu školu u inostranstvu ili ako dolazi iz registrovane osnovne škole sa područja Bosne i Hercegovine koja realizira nastavne planove i programe drugih država ili asocijacija država, onda se pri upisu u prvi razred umjesto bodova postignutih na ispitima eksterne mature, u Informacioni sistem EMIS u osnovnoj školi koju odredi Ministarstvo, upisuje ekvivalent bodova koji se dobije tako što se zbir općeg uspjeha u posljednja četiri razreda osnovne škole pomnoži s koeficijentom 1,50.
- (3) Ukoliko kandidat sa područja Kantona Sarajevo iz opravdanih razloga ne pristupi polaganju ispita ili ukoliko se ne organizuje eksterna matura u Kantonu Sarajevo, određuje se ekvivalent bodova za eksternu maturu koji osnovna škola upisuje u obrazac predviđen Pravilnikom o polaganju eksterne mature („Službene novine Kantona Sarajevo“, br. 25/18, 17/19 i 24/19) na osnovu zaključenih ocjena za taj predmet na način da se za navedene predmete zbir zaključenih ocjena u VI, VII, VIII i IX razredu pomnoži s koeficijentom 0,50 i to za:
- a) Bosanski jezik i književnost, Hrvatski jezik i književnost, Srpski jezik i književnost,
 - b) Prvi strani jezik,
 - c) Matematika.
- (4) Opravdanost razloga zbog kojih učenik nije pristupio polaganju ispita iz eksterne mature, na zahtjev roditelja, cijeni Školska komisija iz člana 37. Pravilnika o polaganju eksterne mature i odluku dostavlja Ministarstvu.

Član 17.

(Prednost pri upisu u prvi razred)

Pod jednakim uslovima iz ovih kriterija, shodno čl. 1., 2., 6. i 26. Zakona o dopunskim pravima boraca-branitelja Bosne i Hercegovine („Službene novine Kantona Sarajevo“, broj: 31/22), prednost imaju:

- a) djeca boraca-branitelja Bosne i Hercegovine,
- b) djeca ratnih vojnih invalida,
- c) djeca umrlih ratnih vojnih invalida,
- d) djeca organizatora otpora,
- e) djeca veterana-prvoboraca,
- f) djeca nosilaca najviših ratnih priznanja.

Član 18.

(Sadržaj prijave za upis)

- (1) Nakon završetka konkursne procedure i objave konačne rang liste kandidat je dužan u prostorijama škole, prema rasporedu kojeg donosi škola, najkasnije četiri dana od dana objavljivanja rezultata on-line upisa predati sljedeće dokumente:



Adresa: Reisa Džemaludina Čauševića 1, 71 000 Sarajevo

Tel: + 387 (0) 33 562-128

Web: <http://mo.ks.gov.ba>, E-mail: mo@mo.ks.gov.ba

- a) prijavu za upis;
 - b) izvod iz matične knjige rođenih – ovjerena kopija;
 - c) svjedodžbu o završenoj osnovnoj školi – original;
 - d) uvjerenje o uspjehu učenika u VI, VII i VIII razredu osnovne škole – original;
 - e) uvjerenje o rezultatima postignutim na eksternoj maturi – original i
 - f) drugu dokumentaciju relevantnu za utvrđivanje broja ostvarenih bodova po kriterijima iz čl. 12., 13. i 14. ove odluke.
- (2) Prijava za upis se štampa iz Informatičnog sistema EMIS na osnovu konačne rang liste i dokaz je da je kandidat ostvario pravo upisa u određenu školu.

Član 19.

(Naknadna promjena škole/izbornog područja)

- (1) Prelazak učenika iz jedne škole u drugu, u toku prvog razreda, može se izvršiti uz pisanu saglasnost Ministarstva, samo u izuzetnim situacijama:
 - a) smrt roditelja/staratelja učenika, uz smrtni list ili izvod iz matične knjige umrlih
 - b) postavljanje dijagnoze teškog oboljenja/bolesti za učenika koji se upisuje, u posljednjem razredu osnovne škole,
 - c) posjedovanje diplome hafiza, izdate od Islamske zajednice u Bosni i Hercegovini, ukoliko učenik prelazi u Javnu ustanovu Gazi Husrev-begovu medresu i
 - d) kada se radi o učeniku smještenom na hraniteljski smještaj, kao i učeniku bez roditeljskog staranja u sistemu javne brige.
- (2) Prelazak učenika iz jednog izbornog područja u drugi u okviru jedne škole, u toku prvog razreda, odobrava nastavničko vijeće te škole.
- (3) Krajnji rok za podnošenje zahtjeva Ministarstvu za davanje saglasnosti iz stava (1) ovog člana je 30. septembar tekuće godine.

Član 20.

(Upis učenika koji su osnovno obrazovanje završili izvan Kantona)

- (1) Učenici državljanima Bosne i Hercegovine koji su završili osnovnu školu u Bosni i Hercegovini izvan Kantona Sarajevo, upisuju se pod istim uvjetima kao i učenici s područja Kantona Sarajevo.
- (2) Učenici strani državljanima nastavljaju obrazovanje u srednjoj školi pod istim uvjetima kao i državljanima Bosne i Hercegovine, ako ugovorima i drugim konvencijama nije drugačije određeno.

Član 21.

(Prestanak važenja ranijeg propisa)

Danom stupanja na snagu ove odluke, prestaje da važi Odluka o kriterijima za prijem učenika u prvi razred srednjih škola Kantona Sarajevo („Službene novine Kantona Sarajevo“, br. 20/23, 36/23 i 40/23).

Član 22.

(Stupanje na snagu)

Ova odluka stupa na snagu narednog dana od dana objavljivanja u „Službenim novinama Kantona Sarajevo“.

PLAN UPISA ŠKOLSKA 2024/2025. GODINA

R.br.	ŠKOLA	ZANIMANJE		Broj odjeljenja	Broj učenika
		Obrazovanje traje 4 godine	Obrazovanje traje 3 godine		
1.	Prva gimnazija	Gimnazija		5	120
		Područje informacionih tehnologija		1	24
		U K U P N O:		6	144
2.	*Druga gimnazija	Gimnazija		4	96
		Gimnazija - IB Middle Year Program		3	60
		Područje informacionih tehnologija		1	24
		U K U P N O:		8	180 (168+12)
3.	Treća gimnazija	Gimnazija		5	120
		Područje informacionih tehnologija		1	24
		U K U P N O:		6	144
4.	Četvrta gimnazija	Gimnazija - Opća gimnazija		3	72
		Područje informacionih tehnologija		2	48
		U K U P N O:		5	120
5.	Peta gimnazija	Gimnazija - Opća gimnazija		2	48
		Gimnazija - sportsko usmjerenje		3	72
		Područje informacionih tehnologija		1	24
		U K U P N O:		6	144
6.	Gimnazija Dobrinja	Gimnazija - Opća gimnazija		1	24
		Gimnazija		4	96
		U K U P N O:		5	120
7.	*Prva bošnjačka gimnazija	Gimnazija Curriculum A		3	72
		Gimnazija po NPIP Cambridge međunarodnom centru		2	54 (48+6)
		U K U P N O:		5	126 (120+6)
8.	*** Katolički školski centar - Opća realna gimnazija	Gimnazija		2	48
		U K U P N O:		2 (1+1)	56 (24+32)
9.	Gimnazija Obala	Gimnazija		4	96
		Dvojezično područje (b/h/s i njemački jezik)		1	24
		Dvojezično područje (b/h/s i francuski jezik)		1	24
		Područje informacionih tehnologija		1	24
		U K U P N O:		7	168
10.	Srednja muzička škola	Muzičar općeg smjera i baletski igrač//igračica		1	30
		Muzičar solista		1	30
		Muzičar Klavirist			4
		Muzičar Harmonikaš			2
		Muzičar Flautist			2
		Muzičar Violončelist			2
		Muzičar Udaraljkaš			2
		Muzičar Hornist			2
		Muzičar Violinist			3
		Muzičar Violist			2
		Muzičar Gitarist			3
		Muzičar Karinetist			2
		Muzičar Solo pjevač			2
		Muzičar Saksofonist			1

		Muzičar Trubač			1
		Muzičar Oboist			1
		Muzičar Fagotist			1
		U K U P N O:		2	60
11.	Srednja škola primijenjenih umjetnosti	Likovni tehničar za reklamnu grafiku		1/3	8
		Likovni tehničar za likovno grafičku opremu i ilustraciju knjige		1/3	8
		Likovni tehničar za oblikovanje u metalu		1/3	8
		Likovni tehničar za primijenjeno slikarstvo		1/3	8
		Likovni tehničar za primijenjeno vajarstvo		1/3	8
		Likovni tehničar za tekstilni dizajn		1/3	8
		U K U P N O:		2	48
12.	Srednja medicinska škola Jezero	Akušersko-ginekološka sestra-tehničar		1	24
		Pedijatrijska sestra-tehničar		2	48
		Fizioterapeutske tehničar		2	48
		Psiho-gerijatrijska sestra tehničar		1	24
		U K U P N O:		6	144
13.	Srednja medicinska škola Sarajevo	Medicinska sestra tehničar		3	72
		Farmaceutsko-kozmetički tehničar		1	24
		Laboratorijsko tehničar		1	24
		Sanitarno-ekološki tehničar		1	24
		U K U P N O:		6	144
14.	Srednja zubotehnička škola	Zubni tehničar		3	72
		Stomatološka sestra-tehničar		1	24
		U K U P N O:		4	96
15.	*** Katolički školski centar - Srednja medicinska škola	Medicinska sestra tehničar		1 (1/2+ 1/2)	24 (12+12)
		Fizioterapeutske tehničar		1 (1/2 +1/2)	24 (12+12)
		U K U P N O:		2	56 (24+32)
16.	Srednja ekonomska škola	Ekonomski tehničar		5	120
		Bankarski tehničar		1	24
		UKUPNO:		6	144
17.	Elektrotehnička škola za energetiku	Elektrotehničar energetike		4	96
			Elektroinstalater	1	24
			Elektromehaničar	1	24
			Elektroenergetičar	1	24
		U K U P N O:		7	168
18.	Srednja elektrotehnička škola	Elektrotehničar računarstva i informatike		2	48
		Elektrotehničar elektronike i automatike		2	48
		Elektrotehničar telekomunikacija		2	48
		U K U P N O:		6	144
19.	Srednja mašinska tehnička škola	Mašinski tehničar konstruktor na računaru		2	48
		Mašinski tehničar za kompjutersko upravljanje mašinama (CNC tehničar)		2	48
		U K U P N O:		4	96
20.	Srednja škola za saobraćaj i komunikacije	Tehničar PTT saobraćaja-poštanske tehnologije		1/2	12
		Tehničar PTT saobraćaja komunikacione tehnologije		1	24

		Tehničar drumskog saobraćaja- opći		1/2	12
		Tehničar drumskog saobraćaja-unutrašnji transport		1	24
			Automehaničar	1 i 1/2	36
			Autoelektričar	1/2	12
			Automehatroničar	1/2	12
			Vozač motornih vozila	1/2	12
			Autolimar	1/2	12
			Autolakirer	1/2	12
			Rukovalac građevinskih i pretovarnih mašina	1	24
		U K U P N O:		8	192
21.	Srednja škola metalnih zanimanja	Mašinski tehničar-primijenjena informatika i računarstvo		1/2	12
		Mašinski tehničar-zrakoplov i motor		1/2	12
			Instalater centralnog grijanja	1/2	12
			Operater na CNC alatnim mašinama za obradu skidanjem strugotina	1	24
			Automehaničar	1	24
			Zavarivač	1/2	12
			Optičar	1/2	12
			Plinski i vodinstalater	1/2	12
		U K U P N O:		5	120
22.	Željeznički školski centar	Elektrotehničar energetike		1/2	12
		Tehničar za logistiku i špediciju		1/2	12
			Elektroničar telekomunikacija	1/2	12
			Elektroenergetičar	1/2	12
			Zavarivač	1/2	12
			Saobraćajno transportni operater	1/2	12
		U K U P N O:		3	72
23.	Srednja građevinsko-geodetska škola	Arhitektonski tehničar		2	48
		Građevinski tehničar		1	24
		Geodetski tehničar-geometar		1	24
			Keramičar-Podopolagač	1/2	12
			Zidar/fasader	1/2	12
			Monter suhe gradnje	1/2	12
			Moler-farbar	1/2	12
		U K U P N O:		6	144
24.	Srednja tehnička škola grafičkih tehnologija, dizajna i multimedije	Grafički tehničar		5	120
		U K U P N O:		5	120
25.	Srednja škola za okoliš i drveni dizajn	Tehničar za obradu drveta-programer na CNC mašinama		1	24
		Šumarski tehničar		1/2	12
		Ekološki tehničar		1/2	12
			Vatrogasac	1	24
			Stolar-CNC operater	1	24
			Tapetar - dekorater	1	24

		UKUPNO:		5	120
26.	Srednja škola poljoprivrede, prehrane, veterine i uslužnih djelatnosti	Fitofarmaceutski agrotehničar		1	24
		Poljoprivredni tehničar		1/2	12
		Veterinarski tehničar		1	24
		Prehrambeni tehničar		1/2	12
		Kozmetički tehničar		1	24
		Nutricionist tehničar		1	24
			Cvjećar-Vrtlar	1	24
			Pekar	1	24
			Mesar	1/2	12
			Prerađivač mlijeka	1/2	12
			Frizer	2	48
	UKUPNO:		10	240	
27.	Srednja škola za tekstil, kožu i dizajn	Dizajner tekstila i odjeće		1	24
		Projektant odjeće na računaru		1	24
		Tekstilni tehničar modelar-konstruktor		1/2	12
		Tekstilni tehničar konfekcionar		1/2	12
			Krojač	1	24
		UKUPNO:		4	96
28.	Srednja ugostiteljsko-turistička škola	Turistički tehničar		1	24
		Ugostiteljski tehničar		1	24
			Kuhar	3	72
			Poslastičar	1	24
			Konobar	1	24
UKUPNO:		7	168		
29.	Srednja poslovno-komercijalna i trgovačka škola	Poslovno-pravni tehničar		2	48
		Aranžer		1/2	12
		Komercijalni tehničar		1/2	12
			Trgovac	2	48
		UKUPNO:		5	120
30.	Srednjoškolski centar Vogošća	Gimnazija-izborno područje informacionih tehnologija		1	24
		Ekonomski tehničar		1	24
		Mašinski tehničar konstruktor na računaru		1	24
		Mašinski tehničar za CNC tehnologiju		1	24
			Automehaničar	1/2	12
			Prodavač	1/2	12
			Zavarivač	1/2	12
			Obradivač materijala na CNC mašinama	1/2	12
		UKUPNO:		6	144
31.	Srednjoškolski centar Hadžići	Gimnazija - opća gimnazija		1	24
		Mašinski tehničar konstruktor na računaru		1/2	12
		Mašinski tehničar za CNC tehnologiju		1/2	12
		Arhitektonski tehničar		1	24
		Turistički tehničar		1/2	12
		Prehrambeni tehničar		1/2	12
			Bravar	1/2	12
			Obradivač materijala na CNC mašinama	1/2	12
			Automehaničar	1/2	12
			Plinski i vodoinstalater	1/2	12
	Monter suhe gradnje	1/2	12		

			Stolar-CNC operater	1/2	12
			Konfektionar tekstila-krojač	1/2	12
			Prodavač	1/2	12
			Frizer/Vlasuljar	1/2	12
			Kuhar	1/2	12
			UKUPNO :	9	216
32.	Srednjoškolski centar „Nedžad Ibrišimović“ Ilijaš	Gimnazija - opća gimnazija		1	24
		Gimnazija - područje informacionih tehnologija		1	24
		Mašinski tehničar za CNC tehnologiju		1	24
			Operater na CNC mašinama	1/2	12
			Bravar	1/2	12
			Obrađivač materijala na CNC	1/2	12
			Automehatroničar	1/2	12
			Frizer /vlasuljar	1/2	12
			Kozmetičar	1/2	12
			UKUPNO:	6	144
33.	** Gazi Husrevbegova medresa			2+2	(48+64)= 112
			UKUPNO:	4	112
34.	*Škola za srednje stručno obrazovanje i radno osposobljavanje		Pomoćni dekorater Pomoćni dekorater-prilagođeni program Pomoćni kuhar Pomoćni moler- farbar Pomoćni cvjećar-vrtlar Pomoćni knjigovezac Pomoćni reklamni grafičar	Prema broju prijavljenih kandidata. Preliminarna procjena je 25 učenika	
35.	*Centar za slijepu i slabovidnu djecu i omladinu	Fizioterapeutski tehničar - IV stepen složenosti Poslovni tajnik - IV stepen složenosti Telefonski operater - IV stepen složenosti	Telefonista- III stepen složenosti Paker proizvoda-II stepen složenosti	Prema broju prijavljenih kandidata. Preliminarna procjena 25 učenika	
36.	*Centar za slušnu i govornu rehabilitaciju	Tekstilni tehničar modelar-konstruktor Tekstilni tehničar - konfektionar Mašinski tehničar Grafički tehničar	Krojač, Autolimar Limar Bravar Plinski i vodoinstalater, Instalater centralnog grijanja Knjigovezac, Frizer, Kuhar- III stepen Pomoćni krojač Pomoćni bravar Pomoćni limar Pomoćni autolimar Pomoćni kuhar Pomoćni instalater centralnog grijanja Pomoćni plinski i vodoinstalater Pomoćni tapetar Pomoćni knjigovezac - II stepen	Prema broju prijavljenih kandidata	
	UKUPNO SVE SREDNJE ŠKOLE	ZANIMANJE – IV stepen 136 odjeljenja Gimnazije 58+78 tehničke škole	ZANIMANJE – III stepen 42 odjeljenja	178	4. 226

* Upis u prvi razred u školskoj 2024/2025. godini u Centar za slijepu i slabovidnu djecu i omladinu, Centar za slušnu i govornu rehabilitaciju i Škola za srednje stručno obrazovanje i radno osposobljavanje, zatim upis 6 učenika-strani državljani-Curriculum C u Prvoj bošnjačkoj gimnaziji i upis 12 učenika-strani državljani u Drugoj gimnaziji se neće odvijati putem online sistema.

Učenici koji su zainteresirani za upis u navedene srednje škole, potrebno je da se o načinu upisa u ove škole informiraju direktno u navedenim školama.

** U Gazi Husrev-begovu medresu, prema podacima dostavljenim iz škole, upisuje se 50% učenika iz drugih općina izvan Kantona Sarajevo.

*** U Katolički školski centar-Opća realna gimnazija i Srednja medicinska škola, upisuje se 50% učenika iz drugih općina izvan Kantona Sarajevo.

Orijentaciono:

Gimnazije	58 odjeljenje	(32, 58 %)
Srednje škole za stručno obrazovanje i obuku - četverogodišnje trajanje	78 odjeljenja	(43, 82 %)
Ukupno škole u četverogodišnjem trajanju	136 odjeljenja	(76, 40 %)
Srednje stručne škole-trogodišnje trajanje	42 odjeljenja	(23, 59 %)
UKUPNO	178 odjeljenja	100%

Navedeni podaci su izračunati bez učenika iz privatnih srednjih škola-Privatna ustanova Međunarodna Gimnazija „Richmond Park International Secondary School“ Sarajevo, Privatna ustanova Gimnazija „Richmond Park College“ Sarajevo, Perzijsko-bosanski koledž sa internatom, Maarif Schools of Sarajevo, Privatna internacionalna gimnazija „Bloom“, Gimnazija Univerziteta Sarajevo School of Science and Technology (SSST), Srednja poslovna škola Ilidža i škole za učenike s poteškoćama u razvoju, bez učenika iz drugih općina izvan Kantona Sarajevo, učenika iz Gazi Husrev-begove medrese, koji se upisuju sa područja izvan Kantona Sarajevo (2 odjeljenja-60 učenika) i učenika iz Katoličkog školskog centra-Opća realna gimnazija i Srednja medicinska škola, koji se upisuju sa područja van Kantona Sarajevo (2 odjeljenja - 64 učenika).

Pregled broja nezaposlenih lica JU "Služba za zapošljavanje Kantona Sarajevo", u skladu sa završenom srednjom školom 3. i 4. stepena– podaci od novembra 2023. godine

ZANIMANJA	Broj nezaposlenih lica
Maturant gimnazije	2.814
Mašinski tehničar	1.379
Ekonomski tehničar	1.755

ZANIMANJA	Broj nezaposlenih lica
Prodavač	2.462
Frizer-vlasuljar	864
Vozač motornih vozila	826

MINISTRICA

Naida Hota-Muminović s.r.



Adresa: Reisa Džemaludina Čauševića 1, 71 000 Sarajevo

Tel: + 387 (0) 33 562-128

Web: <http://mo.ks.gov.ba>, E-mail: mo@mo.ks.gov.ba

17/17